

আজকের গুরুত্বপূর্ণ কারেন্ট অ্যাফেয়ার্স - ৩১ অক্টোবর ২০২৫ | Bengali Current Affairs Today - 31 October 2025

নমস্কার, প্রতিযোগিতামূলক পরীক্ষার প্রস্তুতিকে আরও মজবুত করতে আজকের ডেইলি কারেন্ট অ্যাফেয়ার্স সেশনে আপনাদের সকলকে স্বাগত জানাই। আজকের এই পোস্টে আমরা ৩১শে অক্টোবর, ২০২৫-এর গুরুত্বপূর্ণ ঘটনাবলী নিয়ে আলোচনা করব। প্রতিটি তথ্য পরীক্ষার জন্য বিশেষভাবে গুরুত্বপূর্ণ, তাই মনোযোগ সহকারে পড়ুন।

আজকের বাংলা কারেন্ট অ্যাফেয়ার্স

৭৭তম প্রজাতন্ত্র দিবসের প্রধান অতিথি

ভারত সরকার ২০২৬ সালের ৭৭তম প্রজাতন্ত্র দিবসের প্রধান অতিথি হিসেবে ইউরোপীয় ইউনিয়নের (European Union) নেতৃত্বকে আমন্ত্রণ জানিয়েছে। ভারতের ইতিহাসে এই প্রথম কোনো দেশের রাষ্ট্রপ্রধানের পরিবর্তে একটি আন্তর্জাতিক সংগঠনের নেতাদের প্রধান অতিথি হিসেবে আমন্ত্রণ জানানো হলো।

- আমন্ত্রিত অতিথি: ইউরোপীয় ইউনিয়নের দুই প্রধান নেতা এই অনুষ্ঠানে উপস্থিত থাকবেন –
 - ইউরোপীয় কমিশনের প্রেসিডেন্ট, উরসুলা ভন ডার লেয়েন
 - ইউরোপীয় কাউন্সিলের প্রেসিডেন্ট, আন্তোনিও কোস্তা
- বিশেষ তথ্য: উরসুলা ভন ডার লেয়েন ২০১৯ সালে ইউরোপীয় কমিশনের প্রথম মহিলা প্রেসিডেন্ট হন। অন্যদিকে, আন্তোনিও কোস্তা পূর্বে পর্তুগালের প্রধানমন্ত্রী ছিলেন এবং ১ ডিসেম্বর ২০২৪ থেকে ইউরোপীয় কাউন্সিলের প্রেসিডেন্টের দায়িত্ব গ্রহণ করেন।
- পূর্ববর্তী অতিথি: উল্লেখ্য, ২০২৫ সালের ৭৬তম প্রজাতন্ত্র দিবসের প্রধান অতিথি ছিলেন ইন্দোনেশিয়ার রাষ্ট্রপতি প্রাবোও সুবিয়ান্তো।

জাতীয় একতা দিবস (National Unity Day)

সর্দার বল্লভভাই প্যাটেলের জন্মবার্ষিকী উপলক্ষে প্রতি বছর ৩১শে অক্টোবর তারিখে ‘জাতীয় একতা দিবস’ বা ‘National Unity Day’ পালন করা হয়।

- সূচনা: ভারত সরকার ২০১৪ সালে এই দিবসটি উদযাপনের ঘোষণা করে।
- সর্দার বল্লভভাই প্যাটেল: তিনি ‘ভারতের লৌহমানব’ (Iron Man of India) নামে পরিচিত এবং দেশীয় রাজ্যগুলিকে ভারতের সঙ্গে সংযুক্ত করার ক্ষেত্রে প্রধান ভূমিকা পালন করেছিলেন। তিনি ছিলেন ভারতের প্রথম স্বরাষ্ট্রমন্ত্রী এবং উপ-প্রধানমন্ত্রী।
- বিশেষ তাৎপর্য: ২০২৫ সালটি সর্দার প্যাটেলের ১৫০তম জন্মবার্ষিকী। ২০১৫ সালে তাঁর ১৪০তম জন্মবার্ষিকীতে ‘এক ভারত শ্রেষ্ঠ ভারত’ অভিযান শুরু হয়েছিল।

সতর্কতা সচেতনতা সপ্তাহ (Vigilance Awareness Week)

সর্দার বল্লভভাই প্যাটেলের স্মরণে প্রতি বছর অক্টোবরের শেষ সপ্তাহে সতর্কতা সচেতনতা সপ্তাহ পালন করা হয়। এই বছর এটি ২৭ অক্টোবর থেকে ২ নভেম্বর পর্যন্ত পালিত হচ্ছে। এর মূল উদ্দেশ্য হলো সরকারি পরিষেবাগুলিতে সততা এবং স্বচ্ছতা বৃদ্ধি করা। এই বছরের থিম হলো – “Vigilance Our Shared Responsibility”

দিলমুন সভ্যতার ৪,০০০ বছরের পুরনো মন্দির

কুয়েতের প্রত্নতাত্ত্বিকরা দিলমুন সভ্যতার (Dilmun civilization) একটি ৪,০০০ বছরের পুরনো মন্দির আবিষ্কার করেছেন। মন্দিরটি কুয়েতের ফাইলাকা দ্বীপে (Failaka Island) খুঁজে পাওয়া গেছে। দিলমুন সভ্যতা বর্তমান বাহরাইন, কুয়েত এবং পূর্ব সৌদি আরবে বিস্তৃত ছিল এবং এটি মেসোপটেমিয়া (ইরাক) ও সিন্ধু সভ্যতার মধ্যে একটি প্রধান বাণিজ্য কেন্দ্র হিসেবে কাজ করত।

আমাজন ফেস প্রকল্প (Amazon FACE Project)

ব্রাজিলে আমাজন ফেস (Amazon FACE) প্রকল্পটি শুরু করা হয়েছে। এটি একটি গবেষণা প্রকল্প, যার মাধ্যমে বায়ুমণ্ডলে কার্বন-ডাই-অক্সাইডের (CO2) মাত্রা বাড়লে আমাজনের রেইনফরেস্ট কীভাবে প্রতিক্রিয়া দেখাবে তা অধ্যয়ন করা হবে।

- **FACE**-এর সম্পূর্ণ রূপ: Free Air CO2 Enrichment□
- কার্যপদ্ধতি: এই প্রকল্পে স্টিলের রিং-এর মধ্যে গাছগুলিকে রেখে ভবিষ্যতের আনুমানিক CO2 স্তরের সংস্পর্শে আনা হবে এবং প্রতি ১০ মিনিটে তাদের প্রতিক্রিয়া (যেমন CO2 শোষণ, সালোকসংশ্লেষ) পর্যবেক্ষণ করা হবে।

আন্তর্জাতিক সৌর জোটের (ISA) ৮ম সভা

আন্তর্জাতিক সৌর জোটের (International Solar Alliance – ISA) অষ্টম সভা ভারতের রাজধানী নয়াদিল্লিতে অনুষ্ঠিত হয়েছে।

- উদ্বোধন: ভারতের রাষ্ট্রপতি দ্রৌপদী মুর্মু এই সভার উদ্বোধন করেন।
- নতুন উদ্যোগ: এই সম্মেলনে ‘সানরাইজ ইনিশিয়েটিভ’ (SUNRISE Initiative) চালু করা হয়েছে, যার লক্ষ্য পুরনো সৌর প্যানেল পুনর্ব্যবহার (recycle) করা, নতুন কর্মসংস্থান তৈরি করা এবং পরিবেশ রক্ষা করা।
- **ISA** সম্পর্কে: ২০১৫ সালে ভারত ও ফ্রান্স যৌথভাবে প্যারিসে CoP-21 সম্মেলনের সময় ISA গঠন করে। এর সদর দপ্তর গুরুগ্রাম, হরিয়ানাতে অবস্থিত।

অ্যাডাপটেশন গ্যাপ রিপোর্ট ২০২৫

ইউনাইটেড নেশনস এনভায়রনমেন্ট প্রোগ্রাম (UNEP) দ্বারা অ্যাডাপটেশন গ্যাপ রিপোর্ট ২০২৫ (Adaptation Gap Report 2025) প্রকাশ করা হয়েছে। এই রিপোর্টটি জলবায়ু পরিবর্তনের সাথে মানিয়ে নেওয়ার জন্য বিভিন্ন দেশের প্রয়োজনীয় বিনিয়োগ এবং প্রকৃত বিনিয়োগের মধ্যে পার্থক্য তুলে ধরে। রিপোর্ট অনুযায়ী, উন্নয়নশীল দেশগুলিতে প্রয়োজনীয় অর্থের পরিমাণ বাড়লেও আন্তর্জাতিক আর্থিক সহায়তা ২০২২ সালের ২৮ বিলিয়ন ডলার থেকে কমে ২০২৩ সালে ২৬ বিলিয়ন ডলারে দাঁড়িয়েছে, যেখানে বার্ষিক প্রয়োজন ৩১০ থেকে ৩৬৫ বিলিয়ন ডলার।

অষ্টম কেন্দ্রীয় বেতন কমিশন

কেন্দ্রীয় সরকার অষ্টম কেন্দ্রীয় বেতন কমিশন (8th Central Pay Commission) গঠনের অনুমোদন দিয়েছে।

- উদ্দেশ্য: এই কমিশন কেন্দ্রীয় সরকারি কর্মচারীদের বেতন, পেনশন এবং ভাতা পর্যালোচনা করে সরকারকে সুপারিশ প্রদান করে।
- চেয়ারপার্সন: সুপ্রিম কোর্টের প্রাক্তন বিচারপতি রঞ্জনা প্রসাদ দেসাই এই তিন সদস্যের কমিশনের চেয়ারপার্সন হিসেবে নিযুক্ত হয়েছেন।
- সময়সীমা: কমিশনকে ১৮ মাসের মধ্যে তার রিপোর্ট জমা দিতে হবে।
- ঐতিহাসিক প্রেক্ষাপট: প্রথম কেন্দ্রীয় বেতন কমিশন ১৯৪৬ সালে গঠিত হয়েছিল।

রাফাল যুদ্ধবিমানে রাষ্ট্রপতি দ্রৌপদী মূর্মুর উড়ান

রাষ্ট্রপতি দ্রৌপদী মূর্মু রাফাল যুদ্ধবিমানে উড়ান সম্পন্নকারী ভারতের প্রথম রাষ্ট্রপতি হয়েছেন।

- স্থান: এই উড়ান হরিয়ানার আদ্বালা বায়ুসেনা স্টেশন থেকে পরিচালিত হয়।
- পাইলট: গোল্ডেন অ্যারো স্কোয়াড্রনের গ্রুপ ক্যাপ্টেন অমিত ঘনাই রাফাল বিমানটি চালান এবং রাষ্ট্রপতি ৩০ মিনিটের জন্য এই উড়ানে অংশগ্রহণ করেন।
- পূর্ববর্তী অভিজ্ঞতা: এর আগে ২০২৩ সালে রাষ্ট্রপতি মূর্মু আসামের তেজপুর এয়ারফোর্স স্টেশন থেকে সুখোই-৩০ এমকেআই যুদ্ধবিমানে উড়েছিলেন।

রবি ২০২৫ ফসলের জন্য সার ভর্তুকি

কেন্দ্রীয় সরকার রবি ২০২৫ ফসল মরসুমের জন্য কৃষকদের মোট ₹৩৭,৯৫২ কোটি টাকার সার ভর্তুকি (Fertilizer Subsidy) দেওয়ার সিদ্ধান্ত নিয়েছে। এই ভর্তুকির মাধ্যমে সরকার সার কোম্পানিগুলিকে অর্থ প্রদান করে, যাতে কৃষকরা কম দামে সার কিনতে পারেন। এই বছর ফসফরাস এবং সালফারের উপর ভর্তুকি বাড়ানো হয়েছে, তবে নাইট্রোজেন এবং পটাশের ভর্তুকির হার খরিফ ২০২৫-এর মতোই রাখা হয়েছে।

‘টপ এগ্রি-ফুড পাইওনিয়ার’ পুরস্কার পেলেন শেফ সঞ্জীব কাপুর

ওয়ার্ল্ড ফুড প্রাইজ ফাউন্ডেশন (World Food Prize Foundation) দ্বারা ২০২৫ সালের ‘টপ এগ্রি-ফুড পাইওনিয়ার’ (Top Agri-Food Pioneer) পুরস্কারে সম্মানিত হয়েছেন ভারতের প্রখ্যাত শেফ সঞ্জীব কাপুর। স্বাস্থ্যকর খাবার এবং পুষ্টি সম্পর্কে সচেতনতা বাড়ানোর জন্য তাঁকে এই সম্মান দেওয়া হয়েছে। তিনি ‘নিউট্রিন পাঠশালা’ উদ্যোগের মাধ্যমে স্কুল এবং কৃষকদের সংযুক্ত করেছেন এবং ২৫ লক্ষেরও বেশি স্কুলছাত্রকে পুষ্টিকর খাবার সরবরাহ করেছেন। ভারত সরকার ২০১৭ সালে তাঁকে পদ্মশ্রী সম্মানে ভূষিত করেছিল।